

Nótaí Treorach maidir le d'Iarratas Poist ar Chead Foghlaimeora



Léigh na nótaí go cúramach, le do thoil, SULA gcomhlánóidh tú an Fhoirm Iarratais

Iarratas a dhéanamh sa Phost

Ceanglas um Chárta Seirbhísí Poiblí

Ní mór duit Cárta Seirbhísí Poiblí (CSP) a bheith agat

Déanfar d'ainm, do shíniú agus do ghrianghraf mar a fheictear iad ar do CSP a phriontáil ar do cheadúnas a luaithe a phróiseáiltear é.

Foirm Iarratais Chomhlánaithe

Toiliú: Caithfidh tú do chead a thabhairt trí Chuid 6 den fhoirm iarratais a shíniú, chun an t-ainm, an griangraf agus an síniú ar do chárta seirbhísí poiblí (CSP) a úsáid ar do cheadúnas tiomána nó ar do chead foghlaimeora (de réir mar is infheidhme). Mura dtugann tú do thoiliú maidir lena n-úsáid nó mura bhfuil d'ainm i nGaeilge ar do CSP, is féidir leat coinne a dhéanamh chun teacht isteach agus iarratas a dhéanamh i nGaeilge ag aon lárionad NDLS ar fud na tíre.

Ba cheart foirmeacha iarratais comhlánaithe a chur sa phost chuig:

**An tSeirbhís Náisiúnta um Cheadúnais Tiomána, Bosca Poist 858,
Oifig Seachadta an Taoibh Theas, Corcaí.**

Táille ar an iarratas: Is féidir táillí a íoc le seic nó le hordú poist.

Ní mór an táille cheart ar an iarratas a chur isteach leis an bhfoirm iarratais. Chun tuilleadh sonraí a fháil féach an tábla Táillí thíos faoi Eolas Ginearálta. Mura gcuireann tú isteach an táille cheart ar an iarratas diúltófar d'iarratas agus beidh ort iarratas a dhéanamh arís. Má tá tú 70 bliain d'aois nó níos sine, níl aon táille ar an iarratas.

Cruthúnas Doiciméadach

Ag brath ar do chúinse d'fhéadfadh sé go mbeadh gá le fianaise dhoiciméadach bhreise a chur sa phost le d'fhoirm iarratais.

Liosta 1: Fianaise ar an seoladh (dátaithe laistigh de shé mhí)

- Cárta seirbhísí poiblí
- Bille fónais - Ní ghactar le billí fóin póca
- Ráiteas nó comhfhreagras eile ón mbanc/cumann foirgníochta/comhar creidmheasa lena n-áirítear r-Ráitis
- Litir ó Roinn Rialtais nó Gníomhaireacht Stáit
- Comhfhreagras ar pháipéar ceanteidil ó chomhlacht oideachais nó oiliúna e.g. meánscoil; ollscoil; institiúid teicneolaíochta nó coláiste; polasaí árachais sláinte/saoil/tí/cair

Liosta 2: Cruthúnas ar ghnáthchónaí

- Cárta Seirbhísí Poiblí - i gcás go bhfuil an áit bhreithe nó náisiúntacht laistigh de AE/LEE/an Eilvéis/RA
- Teastas breithe nó teastas uchtála (foirm fhada) Éireannach/RA
- Ceadúnas tiomána/cead foghlaimeora nuair a thaispeánann i réimse 3 go bhfuil an áit bhreithe laistigh de AE/LEE/an Eilvéis/RA
- Deimhniú iontrála i gClár Breitheanna Coigríche na hÉireann
- Pas/cárta pas Éireannach (ceann reatha nó cinn atá imithe in éag ar feadh tréimhse nach mó ná 12 mhí)
- Pas reatha do shaoránaigh uile AE/LEE/na hEilvéise/RA (bailí le haghaidh úsáid idirnáisiúnta)
- Cárta aitheantais náisiúnta reatha do shaoránaigh AE/LEE/na hEilvéise
- Deimhniú Éireannach um eadóirseacht
- Cead cónaithe Éireannach reatha (IRP), deimhniú clárúcháin (cárta Bhiúró Náisiúnta an Gharda Síochána um Inimirce/GNIB) nó cárta cónaithe sealadach (TRC) do shaoránaigh neamh-AE/LEE/na hEilvéise/RA (Caithfidh na cártaí IRP, GNIB agus TRC a chur i láthair mar aon le pas reatha atá bailí le haghaidh úsáid idirnáisiúnta nó le Cárta Seirbhísí Poiblí).

Cuid 1: Sonraí Pearsanta

Céadainm agus Sloinne

Caithfidh do chéadainm agus do shloinne teacht go beacht leis an ainm ar do chárta Seirbhísí Poiblí (CSP). Mura bhfuil d'ainm i nGaeilge ar do CSP ní mór duit coinne a dhéanamh chun iarratas pearsanta a dhéanamh ag lárionad NDLS.

Má tháinig athrú ar do shloinne ó eisíodh do chead foghlaimeora nó do cheadúnas tiomána deireanach ní mór duit an chúis a thabhairt agus doiciméid tacaíochta a sholáthar (e.g. teastas pósta, deimhniú colscartha/ idirscartha, gníomhas aonpháirtí atá cláraithe san Ard-Chúirt). Tá doiciméid bhunaidh riachtanach.

Seoladh/Gnáthchónaí

Má tá difear idir do sheoladh reatha agus sheoladh do cheadúnais/cheada roimhe seo nó an seoladh a thug tú nuair a rinne tú iarratas ar do CSP beidh ort cruthúnas ar do sheoladh a chur isteach, a bheidh dátaithe laistigh de na sé mhí a chuaigh thart. Ba chóir gurb é an seoladh an áit ina bhfuil gnáthchónaí ort; do mhic léinn ciallaíonn sé sin go ginearálta teach an teaghlaigh. Caithfidh an t-ainm agus an seoladh ar an bhfoirm iarratais a bheith díreach mar an gcéanna leis an bhfianaise ar an seoladh a sholáthrófar agus ní mór go mbeidh an dáta air laistigh de na sé mhí a chuaigh thart (Féach Liosta 1 thuas). Ní ghlactar le seoltaí mac léinn, seoltaí gnó nó seoltaí 'faoi chúram'. Le haghaidh cód ceantair poist Bhaile Átha Cliath cuir iad sin sa réimse "Contae/Cathair".

Chun iarratas a dhéanamh ar cheadúnas tiomána nó ar chead foghlaimeora, ní mór duit a bheith i dteideal cónaí anseo agus gnáthchónaí a bheith ort in Éirinn. Ciallaíonn sé sin go ginearálta go bhfuil cónaí ort anseo ar feadh 185 lá ar a laghad i ngach bliain féilire mar gheall ar obair nó ar cheangail phearsanta. Má tá tú ag déanamh staidéir nó ag obair thar lear, féadfar a mheas go bhfuil gnáthchónaí ort fós in Éirinn ar an gcoinníoll go bhfillleann tú anseo go rialta.

Féach Liosta 2 thuas le haghaidh liosta iomlán na ndoiciméad ar féidir glacadh leo mar fhianaise ar ghnáthchónaí.

Uimhir PSP

Ní mór **Uimhir Phearsanta Seirbhíse Poiblí** a thabhairt, mar atá sé le feiceáil ar do Chárta Seirbhísí Poiblí (CSP). Déanfar d'ainm, do shíniú agus do ghrianghraf mar atá siad ar do CSP a phriontáil ar do cheadúnas a luaithe a phróiseáiltear é.

Áit Bhreithe

Sonraigh an tír inar rugadh thú, le do thoil.

Cuid 2: Deonú Orgán

Más mian leat bheith i do dheontóir orgán, déanfar Cód 115 a phriontáil ar do chead. Cuirfidh an Cód sin do mhian in iúl do ghairmithe leighis. Ag teacht leis an seasamh dlíthiúil reatha, áfach, rachfar i gcomhairle le do neasghaol

Cuid 3: Sonraí an Chead Foghlaimeora

Eisítear cead foghlaimeora chun críocha an tiomáint a fhoghlaim. Má tá iarratas á dhéanamh agat ar chead foghlaimeora céaduaire i gcatagóir nua ceadúnais, ní mór duit pas a bhaint amach i dtástáil teoirice tiománaí sa chatagóir ábhartha sula bhfaighidh tú cead foghlaimeora. Má tá do chead foghlaimeora reatha imithe in éag le cúig bliana nó níos mó, meastar gur iarratasóir céaduaire tú ar chead foghlaimeora, agus ní mór duit tabhairt faoin tástáil teoirice arís. Le haghaidh níos mó sonraí, téigh go www.theorytest.ie

An Cineál Iarratais

Roghnaigh cineál an iarratais de réir mar is cuí. Féach ar an Seicliosta don chead foghlaimeora ar leathanach 4 den fhoirm iarratais maidir leis na cáipéisí nach mór bheith in éineacht le gach iarratas.

Na Catagóirí Ceadúnais

Tabhair cuairt ar www.ndls.ie le haghaidh liosta na gcatagóirí agus cur síos orthu.

Ceadúnas Cailte/Goidte/Damáistithe

Má cailleadh/goideadh do chead foghlaimeora reatha nó is déanaí a eisíodh, nó má rinneadh damáiste dó, ní mór duit an dearbhú garda a chomhlánú agus stampa a fháil air ag stáisiún áitiúil na nGardaí.

| Cead Tiomána | Ar feadh tréimhse Cead | Fianaise maidir le Comhaireamh Tástáil a bhíonn ag teastáil |
|--|------------------------|--|
| Céad nó Dara Cead Foghlaimeora | 2 bhliain | Ní gá |
| Tríú nó tiománainn dhiaidh sin Ceadúnas Foghlaimeora | 2 bhliain | Glactha agus theip ar thástáil sa 2 bhliain roimhe |
| Tríú nó ina dhiaidh sin Chead Foghlaimeora | 1 bhliain | Ní mór duit fianaise a thaispeáint iarratas a chur isteach ar dáta tástála a bheith agat |

Ní mór duit fanacht go dtí go mbeidh do cheadúnas laistigh de thrí mhí ón dáta éaga sular féidir leat iarratas a dhéanamh ar athnuachan.

Cuid 4: Inniúlacht Tiománaí

Tá Foirm Thuairisce um Radharc na Súl ag teastáil sna cásanna seo a leanas:

- gach iarratas céaduaire ar chead foghlaimeora
- Má chaith tú spéaclaí/lionsaí roimhe seo chun tiomáint agus nach gá duit iad a chaitheamh a thuilleadh

Ní gá Foirm Thuairisce um Radharc na Súl sna cásanna seo a leanas:

- Cuirtear tuairisc leighis ar fáil murar shonraigh do dhochtúir teaghlaigh a mhalairt.

Is féidir foirm tuairisce liachta agus foirm tuairisce ar radharc na súl a íoslódáil ó www.ndls.ie

Cuid 4: Inniúlacht Tiománaí ar lean.

Ní mór go gcomhlíonfadh tiománaithe caighdeán áirithe dea-shláinte chun tiomáint go sábháilte. Má mholann do dhochtúir duit éirí as an tiomáint, is cion é leanúint ar aghaidh ag tiomáint ansin agus bíonn impleachtaí aige ar do chumhdach árachais freisin.

Ní mór Foirm Tuairisce Liachta a chur isteach sna cásanna seo a leanas:

- Má fhreagraíonn tú ‘tá’ ar cheann ar bith de cheisteanna 17 go 37 nó ar 38(c) ar shláinte agus ar fholláine
- Má tá tú ag déanamh iarratas ar cheann ar bith de na catagóirí i nGrúpa 2 (bus agus trucail) ach amháin má tá ceann curtha isteach cheana féin a chlúdaíonn tréimhse iomlán an cheada nó an cheadúnais agus a chlúdaíonn na catagóirí i nGrúpa 2
- Má tá tú níos sine ná 75 bliain d’aois (nó má rachaidh do chead reatha in éag an lá roimh do 75ú lá breithe)

Ní mór go mbeadh an fhoirm tuairisce liachta agus an fhoirm tuairisce ar radharc na súl dátaithe laistigh de mhí amháin ó dháta an iarratais agus is féidir iad a íoslódáil ó www.ndls.ie. Má tá ort foirm tuairisce liachta a chur isteach, ní mór go mbeadh sí comhlánaithe ag dochtúir a bhfuil a (h)ainm ar Chlár Ginearálta na Liachleachtóirí Ginearálta in Éirinn. Le haghaidh níos mó faisnéise ar chaighdeán leighis, féach ar na treoirí um fholláine leighis don tiomáint, ‘Sláinte agus Tiomáint’, ar www.ndls.ie

Cuid 5: Dearbhú an Iarratasóra

Tríd an dearbhú seo a shíniú, deimhníonn tú go bhfuil an fhaisnéis go léir a tugadh fíor agus cruinn agus go dtoilíonn tú go n-úsáidfeá grianghraf agus síniú do Chárta Seirbhíse Poiblí (CSP) ar do cheadúnas. Is cion é faoin Acht um Thrácht ar Bhóithre faisnéis bhréagach a thabhairtagus tá pionóis i bhfeidhm.

Faisnéis ghinearálta

Eolas tábhachtach nuair a eisítear cead foghlaimeora duit agus nuair is mian leat tástáil tiomána a dhéanamh

Má tugadh cead foghlaimeora duit le haghaidh feithiclí i gcatagóirí ceadúnais B, A, A2, A1, AM agus W agus mura raibh cead foghlaimeora i do sheilbh agat le cúig bliana anuas, ní mór duit fanacht ar feadh tréimhse sé mhí sula mbeidh tú in ann tástáil tiomána a dhéanamh. Ní mór do shealbhóirí cead foghlaimeora céaduaire Oiliúint Riachtanach Tiománaithe (EDT) nó Bunoiúint Tosaigh (IBT) a dhéanamh sula ndéanann siad an tástáil tiomána.

Táillí agus Íocaíocht

Táillí an Cheada Foghlaimeora

| | |
|--|---------------|
| Cead foghlaimeora nua agus athnuachain | €45 |
| Cead athsholáthair fighlaimeora nó cead dúblach foghlaimeora | €35 |
| Catagóir nua a chur le cead reatha foghlaimeora | €35 |
| Cead foghlaimeora do dhuine os cionn 70 | Saor in aisce |
| Cead foghlaimeora bliana (maidir le forais leighis) | Saor in aisce |

Ní féidir leis an NDLS glacadh le hordú poist ná le seic ach amháin i gcás iarratais phoist.

Ní ghlacfaidh an NDLS ach le híocaíocht amháin i gcás aon iarratas faoi leith – ní ghlacfar le híocaíocht amháin ar iarratais iomadúla.

Oiliúint Riachtanach Tiománaithe (EDT)

Cúrsa oiliúna éigeantach do thiománaithe gluasteán is ea Oiliúint Riachtanach Tiománaithe (EDT) Cúrsa 12 cheacht aon uair an chloig a thógtar le teagascóir tiomána ceadaithe (ADI) is ea an EDT. Déanfaidh an teagascóir do dhul chun cinn i a thaifead i logleabhar a eiseofar go speisialta. Ní mór do gach sealbhóir cead foghlaimeora céaduaire (nó iad siúd nach raibh cead foghlaimeora ina seilbh acu le breis agus cúig bliana) EDT a dhéanamh sula ndéanann siad an tástáil tiomána. Má tá ceadúnas tiomána bailí iomlán agat i gcatagóir B (gluasteán) ar feadh dhá bhliain ar a laghad ó thír nach bhfuil comhaontú malartaithe ceadúnas ag Éirinn léi féadfaidh tú cáiliú do chlár ciorruithe EDT.

Chun faisnéis níos mionsonraithe maidir le EDT a fháil féach www.rsa.ie

Bunoiúint Tosaigh (IBT) do ghluaisrothaithe

Cúrsa oiliúna éigeantach is ea Bunoiúint Tosaigh (IBT) ina múintear bunscileanna tiomána do ghluaisrothaithe foghlama. Beidh ort cúrsa oiliúna gluaisrothar IBT a dhéanamh sula mbeidh tú in ann do rothar a thógáil ar an mbóthar gan maoirsiú. Ní féidir leat an cúrsa IBT a dhéanamh ach le hoiliúnóir ceadaithe.

Ní mór do gach sealbhóir cead foghlaimeora chatagóir A IBT a dhéanamh sula dtiomáineann siad ar an mbóthar ach amháin iad siúd ar eisíodh cead foghlaimeora chatagóir A dóibh roimh Shamhain 1999 agus an teidlíocht sin a bheith acu fós. Chun faisnéis níos mionsonraithe maidir le IBT a fháil féach www.rsa.ie

Teastas Inniúlachta Gairmiúla (CPC)

– Trucailí agus Busanna

Braitheann an aois íosta chun cead foghlaimeora a fháil i gcatagóirí C, CE, D agus DE ar an an chaoi a bhfuil an tástáil CPC déanta agat don chatagóir sin. Tá tábla catagóirí lena n-áirítear cur síos, aois íosta agus coinníollacha eile le fáil ar www.ndls.ie.

Má bhíonn tú ag tabhairt faoi CPC beidh ort tástáil teorice CPC a dhéanamh agus nuair a bheidh do thástáil tiomána á déanamh beidh céim speisialta CPC sa tástáil.

Chun faisnéis níos mionsonraithe maidir le CPC a fháil féach www.rsa.ie

